

آبونه شرائطی

مالک عقاریه ده سنه لکی (۶۵)، الق
ایلمو (۳۵) غروشدن .

مالک اسفیه ده سنه لکی (۶۷)، الق
یاغی (۹) فرانقدر .

اداره خانه

باب عالی جاده سیده اثره مخصوصه

اخطارات

آبونه بدلی پشندر .

§

مملکتک وفاق آثار مع الممنونه قبول
اولفور . درج اوله من یاریلر احاده
اولونماز .

کتابخانه

۱۳۳۰

اخطارات

رساله خردن آلدیغی کوسترملک شرطیه
تون یازیلر هر هانسی برهزته عارفندان
اقتباس اولونه پیلیر .

§

مکتوبلرک، امضالرک واضح و اوقوناقلی
اولمی و آبونه میره نومروسو محترمی
بولونمسی لارمدر .

§

ممالک اجنبیه ایچون بونه اولر
درسلیرینک و اسیرجه ده یاریلر
اولفور .

§

ره رندرد یکی زان لهیه ر اولدیغندک
واضحاً بیلدیلمی دجا اولفور .

نتیجہ

شیخ سعدینک آجقلی بر مرثیہ سی

اولی باز در برانہ فہمایع

— ۲ —

برده (قاموس الاعلام) ك شوسطرلری اوقویلم :

« جنکیز خان : دنیانك الك بیوك جهانگیرلرندن واك مشهور ظالم و خوزیزلرندن اولوب مغول طائفه سینه منسوبدر . اصل اسمی (توجین) در . ظهوری عالم اسلام ایچون بیوك مصائبدن اولان بو شخص مضر ۵۴۹ تاریخ هجریسنده مغولستانده طوغوب ابتدای حائنده بر کوچك قبیله نك رئیس ایکن سائر رؤسای قبائلک بعضیسیله اتفاق و بعضیسنه قارشى حرکت ایدهرک جنکده کی طالعنك یاردمیله دهها بر طاقیم یرلر ضبط و کیتدکجه دائره حکومتی توسیع ایدوب ۲۹۹ تاریخ هجریسنده بتون مغولستان و تاتارستان خانلرندن (خاقان) عنوانیله پادشاه طانیله رق قره قرومده (.) تحتہ جلوس ایتشدر . بو وجهله بتون مغولستانك متبوعی اولدقدن صکره بو اقوام بدویه دن کلیتلی بر عسکر ودها طوغریسی بریغما کران اردوسی تشکیل ایدهرک جهانگیرلکه مباشرت ایتش وابتدا الیوم ترکستان شرقی نامیله معروف اولان (خطا) یی ، بعده چینک جهت شالیه سنی ویکین شهرنی و متعاقباً قوریا مملکتنی ضبط ایلش و بو وجهله قوت و مکتنتی برقات دهها آرتیردقدن صکره ۶۱۶ ده سلطان محمد خوارزمشاهه اعلان حربله ماوراء النهر ، خوارزم ، خراسان ، قندهار و ملتان جهتلرینی تخریب ، اهالیسنی قتل عام و بخارا ایله سمر قند ، بلخ ، هرات ، کبی بیوك شهرلری خاک ایله یکسان ایتدیکی کبی مدنیت اسلامیه نك آثارندن اولان نیجه معموره لری دخی بر دهها کسب عمران ایدهمیه جک صورتده ویرانه لره چور مشدر . شمال غربییه طوغری دخی توسیع فتوحات ایدوب دشت قیچاغی و قافقاس بلادیله

(.) قره قوروم : مغول دولت جنکیزیه سنك پای تختی بولونمش بر شهر قدیم اولوب الیوم خرابدر . چینلیلرجه (خولین) یاخود (خورین) اسمیله معروف اولان بو شهر ، اویغور حکمدارلرندن (بوقو خان) طرفندن سکزنجی قرن میلادنده تأسیس اولونمش و جنکیز خان ، اردوسنك خیمه لرینی بو شهرک خارجنده قورمقله مغوللرجه (قره قوروم) اسمیله شهرت بولوب طورونی (قبلایان) طرفندن پای تخت اتخاذا اولمشیدی . قره قرومك معموریت دوری اووقت آچیلوب اصل مغوللره مخصوص قسم وسطیسنده يك چوق بخانه ل و سیرایلر ، چینلیلر قسمنده بر چوق بودا مبدلری و اسلام محلاتی جامع جهتنده دخی متعدد جوامع و مساجد و يك ایشك بر چارشى و بازارى وار ایدی . بو شهر ، مغوللرک شوکت و شانیه برابر نابید اولوب قین وقته قدر محلی دخی معلوم دکدی . اخیراً بعض سیاحلر طرفندن ۲۴ ۳۲ ۴۷ عرض شمال و ۱۰۱ طول شرقیده و (اوکی نور) کویله (اورخون نهری) قربنده خرابه لری کشف اولمشدر . قاموس الاعلام

روسیه نك قسم جنوبیسنی ضبط و عسکرینك بر فرقه سی رومه ، یعنی اناتولییه دخول ایله الکاسنی بحر چیندن بحر سیاهه قدر توسیع ایلشدی . ۶۲۱ ده قره قروم رجعت ایدوب ۶۲۴ تاریخنده وفات ایتشدر . غایتله خوزیز و ظالم بر آدم اولوب اك زیاده تلذذ ایتدیکی شی بیکنه آدملرک و اطفال و نساك دخی قاتلی دوکک ایدی . عسکری ، مجرد اکلنجه ایچون دخی آدم اولدیرلردی و کندیسى ، ضبط ایتدیکی یرلرک اکثرنده عموم اهالی یی قیلیدن کچیرمک امری ویردی . آلتی یوز سنه ظرفنده نیجه امکله وجوده کیش وحتی قبل الاسلام کی اقوام و اممن دخی قالمش اولان نیجه آثار عمرانی ، نیجه کتبخانه لر ، مدرسه لری ، رصد خانه لری احیا ایلشدر . علما و حکمای اسلامك اکثر آثار مفیده لرینك الیوم مفقود و نایاب اولسی ، باشلیجه جنکیز ایله اولاد و اخفادینك و بونلرک تحت امرنده اولان مغول طائفه وحشیه نك ممالک اسلامیه ده ایقاع ایتدکری تخریبات جانسوزک نتیجه سیدر . الحاصل جنکیز خانک خروجی ، عالم اسلام ایچون بیوك بر عقبه مصیب اولوب هر نه قدر چوق کچمه دن یینه قوت و سلطنت ایدى اسلامه عودت ایتش ایسه ده مدنیت اسلامیه بردها باش قائدیراماشدر . واقعا جنکیزک خروجی انلارنده بین الاسلام فساد اخلاق و نفاق و فتنه يك زیاده چوغالمش و بویله بر اضمحلاله دخی کسب استعداد ایلشدی حتی آل جنکیزک خدمتنده بولونمش اولان بعض مورحین اسلام بو آفتک ظهورینی مسلمانلر ایچون من طرف الله تازیانه تربیه عدایده رک بویله بر خونخوارک مظالم مدهشه سنی رضای الهییه توفیق ایتک درجه سنه قدر جرأتلرینی ایلرییه سورمکدن اوتاناماشلردر . (.)

جنکیز کبی بالعموم ترکلری برله شدیروب بر حکومت معظمه جهانگیرانه تأسیس ایله مک امل عالیه سنده بولوندیغی ادعا ایدیلن بر داهینک ، بویله علم بشریته و بالخاصه جهان اسلامیه و بخصوص الخصوص تورک مملکتلرینك باشنه برداهیه دهیا اولارق آسیا قطعه سنك سهارنده آلور ، زمینلرنده قائلر آقیتدیغنه ، رمادستان حالته کتیردیکی — تعبیر جدید وجهله — مسلمان و تورک معموله لرینك خونین خرابه لری اوسستنده بوم شامت مثالی قهقهه لر صالیویردیکنه احتمالک اعتماد ایتیه جکر بولونور . چونکه بوقاریکی یازیلر — ولوکه قاموس الاعلامك اکثر مندرجانی کبی آنسیقلاویه دی ترجمه سی اولسون — عثمانلیجه یازیلش بولندیغی جهته آثار شرقیه دندر . شرقیلرسه یوره ک یانغینلنی طولایسیله دائماً جنکیزی حقسنز و ته پهله دیکی کسانى حقلى چیقاریرلر !

لکن يك دهه اولیه دکل . جنکیزی حقلى چیقارانی کورمدم ، اما (.) بعض اسلام مورخلری بویله اولدیغی کبی اوشفاوت ووردولرینه اتحاق ایتش اولان بعض اسلام مجاهدلری ! ده واردی « غریبدرکه : عسا کر اسلامدن و ملل ساثره دن و علی الخصوص سرسری و یشماجی کروهندن بر چوق خلق ، بوتاتارلره منضم اولارق تاتارلرک اعمال فضیحه و فجیه لرینه مشارکت ایلکده ایدیلر . قصص انبیاء ۱۱ جودت پاشا »

خوارزمشاهك دایسی اولان (اینالقی) ماوراءالنهر والیسی بولونوبوردی، معینده یکریمی بیک سواری واردی.

بر کون قیمتدار اشیایی حامل اولق اوزره بر موغول کاربانی، خوارزم قطعه سنك سر حدی بولنان (اوترار) بلده سنه کلدی. و بو اشیا، والی و اوج بکی بولنان اینالقی حرس و طمعنی جلب ایتدی. همان «برکاربان کلدی، فقط تبحر قیافته کیرمش جاسوسلردن متشکلدر. صانیورم» مألنده بر عریضه یازوب مرکز حکومت یوللادی. واحتیاطی داورانامی حقنده امر آلدی.

بونك اوزره برینه کاروان خلقی اورتادن قالدیروب اموال و اشیایی ضبط ایتدی. لکن جنکیز خانك ده ایلچیسی کلوب «تجاریزه امان و یردیکك حالده غدر ایتدك. غدر، قبیح اولقله برابر سلطان اسلام طرفندن وقوع بولورسه اقبیح صاییلیر. اگر بواشی سندن امر آلمقزین داییک یادیسه اونی بزه تسلیم ایت، یوقسه کوره جکگی کندیک بیلیرسك» اولتیا تومنی خوارزمشاهه تبلیغ ایلدی.

سلطان محمد، بودهشتلی خبردن قورقوب تیره دیسه ده تجلد کوسته رمك ایسته یه رك ایلچی یی اولدورتدی. صاغلقله شو حرکتده بولوناماسه یدی ده مسلمان قانتك هر طرفده نهرلر کبی آقاسنه سبب اولماسه یدی.

جودت پاشا مرحومه ده بو خصوص حقنده شویله دییور:

«خوارزمشاه، و کلاسیله تدایر حریبه مذاکره سنده ایکن جنکیزك ایلچیسی نامه ایل کلدی. بونامه ده «بنم آدملمی قتل ایدرسکز، ماللری آلورسکز. آرتق جنکه حاضر اولکزه ک طاقت کتوره میه جککیز جمعیت ایل اوزرکز کلبورم» دیو خوارزمشاهی تهدید ایل یوردی. خوارزمشاه، بوندن حدتله ندی وحدت، اکاینه چیرکین برایش یایدیردی. شویله که: جنکیزك ایلچیسی اولدوردی. ومعیتی مأمورلرینک لایملری تراش ایتدیروب کیرو چویردی. زیرا ایلچی اولدورمك حقوق مللك خلاقی (ایلچی به زوال اولماز) قاعده سنه منافیدر. بناء علیه جنکیز خان، یدی یوز بیک سواری ایل تانارستاندن خروج ایل جانب غریبه حرکت ایلدی».

کرك متن، کرك حاشیه اولارق کوسته ردیکم اوج نمونه دن آکلاشیمشدرکه اسلام مورخلری، پکده حسیانه قاپیلارک روز سویله میورلر. مشرک بولنان جنکیزه قارشى مسلم بولونان محمد خوارزمشاهی، حتی خلیفه اسلام ناصرلین اللهی تخطئه ایدیورلر.

أوت. خوارزمشاه، مخطی ایدی. چونکه: متبوع دینیسی اولان خلیفه مسلمینه عصیان ایتش و دارالخلافتی تسخیر ایچین بغداده کیتمه به قالفیشمشدی. ناصرلین اللهه مخطی ایدی. زیرا اوده خوارزمشاه اولان اغبراری طولایسیله جنکیز کبی بر خونریزی عالم اسلامك باشنه مسلط ایتشدی.

خوارزمشاه، ایکنجی و اوچنجی بر خطاده بولوندى. جنکیزك تاجرلریله ایلچیسی اولدورتدی، شو حرکتیله فتنه اویاندیرمش و اوپویان ییلاقی قویروغنه باصمش اولدی.

اونك چیکنه دیکى خوارزم قطعه سنك بد بخت حکمداری (محمد بن تکش) ه حقی اولارق حقسز دینلری بیلورم. ایشته بر نمونه که (امام سیوطی) (تاریخ الخلفاء) سنده یازیور:

«موغولر، تورکره نسبتله اکلی یوزلو، که نیش کوکوسلو، آلی ایاغی اوفاق، قالجهری ضعیف، اسمر اللون، سریع الحركه بر قومدر. کندیلری احوال اقوامدن خبردار اولدقلری حالده هیچ بر قوم، اولردن معلومات آلاماز. چونکه: عدم مشابته طولایسیله بر جاسوس کیدوبده آرالرنده باریناماز. بر طرفه کیده جک اولورلرسه ایشی کیزی طوتارلر و بردن بره حرکت ایدرلرکه آنجاق بر بلده یه کیردکلی و بر اوردویه کیریشدکلی صیراده کلدکلی آکلاشیلیر. قادیلری ده ارککلر کبی دوکوشورلر. اک مؤثر سلاحلری اوقدر و اولدورمه لرنده استئنا یوقدر. ارکک، قادین دیمزلر و چولوق، چوجوق آیرد ایتزلر. مقصدلری ملک و مال دکل، نوع بنی آدمك افناسی و معموره عالمك تخریبیدر. «جنکیز خانك حکمدارلغه کچمه سی یازیلدقن صوکر».. جنکیز خان ملکنده مستقر قالدی. موغوللرک هپسی تحت اطاعتنه کیردیلر، حتی کندیسنده الوهیت و همیله قولی، کوله سی اولدیلر.

تورک و فرغانه جهنلرینه تجاوزی ۶۰۶ تاریخنده باشلادی. خراسان حکمداری و خوارزم شاهی (سلطان محمد بن تکش) - که برچوق ملوکى محو ایتش و برچوق ممالك ضبط ایله مش اولوب برده خلیفه اوزره برینه یورومه به حاضر لائمشدی [*] - بولنره قارشى طورامایاجفی آکلادینی جهته فرغانه، شاش، کاشان بلده لرینک اهالیسی سمرقنده و بلاد سائر به نقل ایتدیردکن صوکر او معمور شهرلری تخریب ایتدیردی و شو تدبیر ایل موغوللرک تجاوزینه سد چکدم ظننده بولوندى. فقط اونلر، بطی آدمیلرله ایلرله یورلردی. ۶۱۵ سنه سی ایچنده ایدی که جنکیزك برایلچیسی کلوب (اوغلم) خطابیله سلام که تیردیکنی وایکی مملکت تجارینک سر بستجه کیدوب کله لری حقنده قا آن اعظمك مساعده ایسته دیکنی خوارزمشاهه تبلیغ ایتدی. اوده بوکا جواب موافقت و یردیکى جهته ارباب تجارت کلوب کیتمه به باشلادی.

[*] خلفای عباسیه نك اوتوز دردنجیسی بولنان (الناصر لدین الله احمد) دورنده (۵۵۸ - ۶۰۴) اندلس دولت امویه سیله فاطمیون دولتی محو اولمش، عموم مسلمانلر کندیسنی خلیفه طائیشلردی. نه چاره که کندیسى بوانحاد امتدن استفاده ایدرک خلافتك اعاده شوکت و قوتنه غیرت ایدمکى برده کندیسنه قارشى رعایتده قصور ایتش اولان خوارزمشاهی قطب الدین محمد اوزرینه جنکیز خانى تحریک ایل خلافت عباسیه نك محوینه سبب اولمشدر.

خوارزمشاهك قصورندن طولای تأدینه قیام، شایان تحسین بر حرکت ایدی. فقط آنی تأدیب ایچون اسلامیت و مدنیت دشمنی بولنان جنکیزك قوتنه مراجعت، عفو اولماز جنایت اولقدن قورتولماز. زیرا بر عاصی بنده سنی تربیه ایچون اجنبی قوتنه مراجعت ایچون اولور اولماز حیتمزلک کافی دکادر. ناصرلین الله احمد کبرجی وایکنجی خلفلری زمانلرنده جنکیزك وحشتلری دوام ایتشد. وسطی آسپ ایل عرافده ملیونلرجه بیکناهلرک قانی دوکلدر. تاریخ عمومی جلد ۳ مرادک

کنارنده بولونقلری صبرده طاعون ظهور ایتسه سنه بناء نه قدر مسلمان اسیر وارسه هپسینی اولدوردکلرینی سویلیه رک فقرات آتیه ایله جنکیز مظلومی بحثنه خاتمه چکه حکم :

« خراسان کی معمور بر اقلیم ، بو قتنلر ایتسه سنه اولیه خراب اولمشدی که : بر آدم ، جیحون ساحلیله ایتراآباد قدر کیتسه انسان میتسه سندن باشقه ییه جک شی بولامازدی . عراق عجم دخی او وجهله خراب اولمشدی . الحاصل اوزمان بدء اسلامدن برو ملت اسلامیه نك باشنه کله یین فلاکتلر کلمشدی که اقضای غرب و شمالدن خروج ایدن اهل صلیب ، بر الشامک مهم بلده لرینی ضبط ایلدکن صکره دمیاطی استیلا ایله مصری تضییق ایدرکن اقضای شرقدن خروج ایدن مغول و تاتارلر دخی مدت قلیله ظرفنده بلاد ماوراء النهر ایله خراسان و عراق عجم و آذربایجان ضربه و نفوس موجوده لرینک ثلثانسدن زیاده سنی اعدام ایله بونجه بلاد معموره یی تخریب ایلدیله و نسوان و صبیانی اولدورمک و کبه قادینلرک قارنی یاروب قارنلرنده کی جنینلرینی تلف ایتک کی انسانی دلخون ایده جک و توپلری اورپرده جک فاجعه لر ایشله دیلر . »

« قصص انبیا - جلد ۱۱ »

« طوفان کبیر طوفان ما ایتسه ظهور تاتاره طوفان آتش و یاخود طوفان خون ده نیلسه شایاندر . چونکه بر فرقه سی بر شهره هجوم ایتسه بهمه حال یرنده کیمک بیغینندن ، بنا خا کسترندن ، باشقه برشی قالمازدی . براردوسی بر صحرا یه اوغراسه البته آتلی دیز قاپاقلرینه قدر قان ایله یوغورولمش چاموره باتمادن کچمزدی . اقوام اسلامک عمومیه بدرجه ییغینلق کلمشدی که مغول ، مروی ضبط ایتدیکی زمان هر تاتارک اعدام ایلدیکی آدم درت یوزه بالغ اولمش ایدی . مراغه ده بر تاتار قاریسی بر سرای خلقنی علی العموم قتل ایتمش و هیچ برنده مقاومت دکل ، تخلص جان ایچون بر حرکت مذبحخانه بیله کورمه مشدی . »

« کمال بک مرحوم »

« قتنه تاتارک زیر و زبر ایلدیکی یرلردن فرار ایله یاقه یی قورتاران طوائفدن بری ده عثمانلرک جداعلاسی اولان قایی خان عشیرتی ایدی . تاریخلر مزک روایتنه نظراً عشیرت مزبوره آل سلجوق رفاقتیه ماوراء النهردن زمین ایرانه انتقال ایدن ترک قبائلندن اولوب مرو مضافاتندن ماهان نواحیسنده اختیار توطن ایتمش ایکن غائله جنکیزیه ظهورنده ترک دیاره وجهت غریبه یه طوغری فراره مجبور اولمش و ابتدا اخلاطه و آندن آذربایجان هجرت و نهایت حلب معموره لرینه طوغری عزیمتنده جعفر قلعه سی (.) پیشگاهنده رئیس سلیمان شاه ابن قیا آل ب قضااء فرات نهرینه دوشه رک ارتحال دار آخرت ایشدر . »

« تاریخ عثمانی انجمنی رئیس وقعه نویس عبدالرحمن شرف بک »

(.) ذکره شایاندر فراتک هریری بن که بر تورکم اونوتام (جعفر) ی تورک اولان نعمتشناس اولق کرک واریری کیتسم (مزار ترک) . دک ای مزار ترک ! صفوتخانه سک خوابگاه شاهسک ، شاهانه سک اقتضار ایت ای س . ای معنوی شاه ترکان سنده اولمش منزوی تاریخ نویسی پلاطینی آل عثمان معلم ناجی مرحوم

جنکیز خان ، خصمنی تأدیباچین اوستنه یورودی و اوغلی (جوجی خان) قومانداسنده بولونان مقدمه الجیشی ، خوارزم اوردوسیه اوچ کون ، اوچ کیجه قانلی بر محاربه ایده رک غلبه چالیدی . خوارزمشاه ، انزام واقع اوزه رینه بخارایه کلوب اورایه محافظ اقامه و سمرقنده مدافع سوق ایله دکن صوکر ا یکیدن عسکر طویلامق فکریه خراسانه کیتدی . موغوللر ، بخارا اوکنده ده محاربه و غلبه ایدرک شهری محاصره یه آلدیلر و اهالی نیک استیغنی بالقبول آچیلان قاپیلردن ایجری یه کیردیله . خوارزم عسکرینک بر قسمی قلعه یه قاپامشدی . قلعه یی استیلا و عسکری احیا ایله دیلر . آرتیق ایش بیتمش دیمکدی . چونکه : بخارا نك ده حکمداری اولان خوارزمشاهک اوردوسی بوزولمش ، کندبسی فراره مجبور اولمش ، بخارایلرده امان دیله یوب اولومدن قورتولمشدی . بوندن صوکر - اتحاد اترک امانی بسله یین - اولو خاقانک بوزوالی تورکری ده زیر جناحنه آلماسی و شو صورتله تورک قوت و عددینک چوغلاماسی لازم کلبوردی .

عجا بویه می اولدی ؟ هپات !

یوقاریده ده نقل ایدیلدیکی وجهله اهالی ، یوردندن دیشاری یه چیقاریلیدی . ایچرده قالمش اولانلر بلا استننا قتل ایدیلدی . نوار ، نه یوق چاپوله اوغرا دقندن صوکر او شهر معموره آتش و یریلیدی . زمینی قان ایله صیواندینی کی ساسی ده خانانوسز آلورله بویاندی . دیشاری یه چیقاریلانلرده یریلن امانه رغما کوله ، جاریه دییه موغول افرادینه تقسیم اولوندی . حیات ، حریت ، حتی عفت هیچه صاییلدی . . . نهایت جنکیز خانک ، او بویوک فکرلی خاقانک مظفر ! اوردوسی ، کوللر و قانلر اوزه رنده یورویه رک سمر قنده کیتدی .

موغول آتلی نك آرقه سندن یایان قوشمه یه مجبور اولان اسرانک یورویه جک درجه ده ضعیف دوشنلری ده مرحه ! صاغلقدن قورتاریلیدی . (سمر قند) و (اوتار) بلده لری عینی مظلومی کوردی . بلاد سائره معموره ده عینی وحشتک ساحه اجرا آتی اولدی [*]

مدافعه ده بولونان (کورکنج) شهری ، بش آی محاصره دن صوکر ا سدلری ییقلوب جیحون صولرینک آلتنده یراقلیدی ، بنالری منه دم اولدی ، عجزه و نسوان و صبیانی بوغولدی . صودن قوتولا بیلنلرده قیلیچدن کچیریلدی .

هله (مرو) ایله (هرات) ده اولدوردکلری نفوس ، عقللری چله دن چیقاراجق درجه ده ایدی . برنجیسنده ۷۰۰,۰۰۰ ، ایکنجیسنده ۱,۵۰۰,۰۰۰ کیشی تلف اولدی دیورلر . بونک یاریسی مبالغه اولسه ده یاری یاری یه تزیل اولونسه ینه بر میلیوندن فضله ایدر .

دها زیاده مصیبت دلالتی ایتهمک ایچون (بامیان) قلعه سنده کی حیوانات بیله دوغرائق شرطیه ذیروح بر اقادقلرینی و سند نهری

[*] آسیای وسطانک اول زمانکی عمارت و یسارینه بر مثال اولق اوزره بالکر بلخ شهرنده صلات جمعه قیلینور بیک ایکی یوز جامع بواندینی ذکر ایدم . فلکله تاریخ عثمانی مقدمه سی عبدالرحمن شرف بک .

« جنکیز خان و خلفری آرتق بخارا، سمرقند، نیشابور و اصفهان طرفلری کاملاً ضبط ایتیلدی . طوغرول بك ايله ملكشاهك اداره سنده بولونان يرلك كافه سی موغوللرك حاكیتی آلتنه كچمشدی . اوصرمده بوحوالی یه يرلشن توركلردن بر قسمی موغول حاكیتی قبول ایتك ایسته مدكلردن آناتولی یه مهاجرت ایتیلدی . بودورده آناتولی ده بر چوق تورك قبیله لری بولونیور . كافه سی ده ملی خاندانلری بحافظه ایلوردی . بومهاجرتنه اشتراك ایدن قبیله لر ایچنده بر قبیله واردی كه (قایی) عائله سندن قایا آلك اوغلی سلیمان شاهك معینده واللی بیک كیشی قوتنده ایدی . ایشه عثمانلی خاندانك مؤسسسی عثمان غازینك جدی ، بو قایا آب ایدی .

جنکیز خان ، خوارزم حوالیسی ايله جلال الدینك بوتون ممالكنی اشغال ایلهدیكي صرمده سلیمان شاه خوارزمده (ماهان) شهرندن چیقمش ، قبیله سی ايله برابر (ارمنستان) طرفلرینه كلرك (ارزنجان) و (اخلاط) جوارنده يرلشمشدی . (۱۲۲۴) . بر قاج سنه صوكر ا جنکیز حانك وفاتی خبرینی آنجه بورادن قالمش ، قبیله سنی طویلامش ، فرات ساحللرینی تعقیب ایلهدرك لطیف اقلیمی و طبیعی ثروتلریله كوكلنی جذب ایدن وطن اصلیسنه دونك ایسته مشدی . فقط (جعفر) قلعه سی جوارندن نه ری كچر ایكن غرق اولمش (۱۲۳۱) . وفاتی قبیله سی آرمهنده جسارتسزك واختلاف حصوله كتیر مشدی . تاریخ عثمانی انجمنی اعضاسندن احمد رفیق «

ایشته شو اوزون اوزادی یه یازیلردن ، تركلری برلشدیرمك امل عالینسند بولونان ؛ حال بوكه عثمانیلرك اجدادی اولان قایی خانلیری ده وطنلردن دور ایدوب مهاجرتنه مجبور بیراقل داهی ! اكبرك ! فطرت وحشیه و مزیت حقیقیه سی اكلاشیلمشدر صانیرم . آرتیق جهانلر بیقوب كچن وجانلر یاقوب بالخاصه كندی عرقندن اولانلرینك قانی ایچن بو حریفك مزارینه یمن ایدیلکمی ، یوقسه الی الابد نامنه نفرین اوقونقمی لازم كلدیكي دوشونولسون .

هلا کو خاندن ده ان شاء الله كلهك هفته بحث ایده جكز .

طاهر المولوی

امور خیریه

عثمانلی فقرا پرور جمعیت خیریه سی

طوب قیو شعبه سینك ۱۳۲۹ سنه سنه طائد معاملات خیریه و اجرا آن انسانیتکارانه سیله برسنه لك معاملات حسابیه سنه دائر بیاننامه دركه رساله مزه درج اولمق اوزره مذکور شعبه طرفندن كوندریلشدر :

مجاناً معاینه . — مؤسسه خیریه بر سنه ظرفنده معاینه خانه سنه مراجعت ایدن ۱۳۶۵ خسته نك معاینه سنی مجاناً اجرا ایتدیرمشدر . اشبو معاینه مؤسسه مزك ایفای وظیفه ایلدیكي منطقه داخلنده

عمومك اعتماد و محبتی جلب ایلان و مؤسسه خیریه یه فحریاً ایفای خدمت ایلان بر طیب طرفندن ایفا ایدلشدر .

مجاناً عروج . — اشبو خستكاندن علاج آلمغه قدرتی اولیان یوز آلمش بر خسته یه معالجه لری مجاناً اعطا اولنمشدر .

مجاناً طیب اعزامی . — معاینه خانه یه قدر كلكه و طیب اجرتی ویرمكه قدرتی اولیان اون بر خسته نك خسته لغنك ایجابی درجه سنده خانه سنه طیب اعزام ایدلش فوق العاده فقیر اولانلرینه سود و یغورت ، پتاس اعطا ایدلشدر .

خسته فائزله سور . — خانه لرنده تدویرلری امكانسز کوریلن اون ایکی فقیر خسته نك مصارف راهیه لری اعطا قیلنهرق مختلف خسته خانه لره (غربای مسلمین ؛ خاصکی نسا ، جراح پاشا ، شیشلی اطفال) سوق ایدلشدر .

مجاناً آشی . — الی فقیر و مهاجره چیچك آشینی یاییلمشدر .

ارکسوز و یتیملره باردریم . — مؤسسه مزك ایفای معامله ایلدیكي منطقه داخلنده اناسز باباسز اطفال ايله بابالری اولیان و یا خود قدرتلری اولادلرینی تحصیل و تربیه یه سوق ایدمه یه جك بر درجه ده عجز و فقری مثبت اولان فقیر اولادلردن قرق طقوزی ارکك طقوزی قز اولمق اوزره الی سکز چوجق تحت حمایه آلنوب بونلرك كافه سی شهر امیننده کائن اثر اخوت آنا « مکنتیله » طوب قیو مرکز رشديه « سنه و محله لری « مکاتب ابتدائیه » سنه و ایکیکی « سلطانلره » سوق ایدیلوب سنین سابقه ده تحت حمایه آلنلر ايله كافه سنك لوازم تحصیلیه : [کتاب ، کاغذ ، تباشیر دفتر ، طاش تحته ، لاستیک ، قلم ، رسم طاقی : الح . .] ولوازم صحیه : [طراش ، استحمام ، مسواك ، دیش توزی ، معاینه طیبیه] وعائله لرینك درجه فقر و احتیاجلرینه کوره برطاقنك ده لوازم الباسیه [فس ، پوسکول ، چوراب ، آیاق قایی ، یازلق و قیشلق البسه ، ترك ، ایچ چاشوری و سائر] لری تأمین ایدلک صورتیله معاونت ایدلکده در .

لیلی مظنه سور . — اطفال حمیه دن ایکی اناسز و باباسز چوجقه باباسز والدیه سی محتاج ایکی مسافر چوجقنی كه جمعاً درت چوجقنك اجر تلری بالتأدیه مكاتب لیلیه یه قید ایتدیرلشدر .

ولیلرینك عجز و یا غیوبت ابدیه لری حسبیه محتاج معاونت قالان و مكاتب عالییه مداوم اوج افندی یه یاردم ایدلک صورتیله اتمام تحصیلرینه بذل قدرت ایدلکده در . بونلردن بری اكال تحصیل ایدلرك دیپلومه اخذ و مؤسسه خیریه بوباده ایلک ثمره مساعیسی اقطاف ایلشدر .

قوندره والیه . — ذکور وانات اطفال حمیه ايله مهاجر یاورولرینه بر سنه ظرفنده یاز و قیش ایچون یوز قات البسه ، طقسان درت چفت ایاق قایی اعمال ایتدیرلشدر . صاحب خیر برعائله طرفندن اعطا اولنان ارکك و قز چوجق چاشور و البسه لری دخی محتاجینه توزیع ایدلشدر . تربیه دینییه و ملییه . — اطفال حمیه مؤسسه خیریه مزك نظارتنده بوانهرق ، آبروجه تربیه دینییه و ملییه لرینك تمیه سنه دوام و بر مرینك